

Ո Ր Ո Շ ՈՒ Մ թիվ - 309
վարչական տույժ նշանակելու մասին

«18» հոկտեմբերի 2021թ.

ք.Երևան

ՀՀ պետական եկամուտների կոմիտեի իրավաբանական վարչության պետ Ա.Մնացականյանս, քննելով Լևոն Ավագյանի վերաբերյալ նյութերը.

Պ Ա Ր Զ Ե Ց Ի՝

ՀՀ հատուկ քննչական ծառայության 17.09.2021թ. գրությամբ ստացված հաղորդմամբ հայտնվել է, որ թիվ 83157020 քրեական գործի քննությամբ պարզվել է, որ 2019թ. դեկտեմբերի 28-ին Լևոն Ավագյանն իր ազգական Ղազարոս Աթոյանի անվամբ Վրաստանից <<Aelbe Trending Tbilisi>> կազմակերպությունից 9300 ԱՄՆ դոլարով ձեռք է բերել 11700 կգ ընդհանուր քաշով ադամաթուզ, որը նույն օրը <<Man>> մակնիշի 35SN328 հաշվառման համարանիշի բեռնատար ավտոմեքենայով ՀՀ ՊԵԿ Արևելյան մաքսատուն-վարչության Բագրատաշենի մաքսային կետ-բաժնի տարածքով առանց հայտարարագրման ներմուծվել է ՀՀ:

Քրեական գործի նախաքննության ընթացքում նշված տվյալների հիման վրա ՀՀ ՊԵԿ մաքսային հսկողության վարչության կողմից կատարվել է նախնական հաշվարկ, որի հիման վրա նաև դատահաշվապահական փորձաքննություն և ըստ պարզված տվյալների Լևոն Ավագյանի կողմից վերոհիշյալ բեռը չհայտարարագրելու և համապատասխան մաքսային ձևակերպումներ չկատարելու արդյունքում պակաս հաշվարկված ու չվճարված հարկի և տուրքի գումարը կազմել է 1182619 ՀՀ դրամ, որից 190745 ՀՀ դրամ մաքսատուրք և 991874 ՀՀ դրամ ԱԱՀ:

Քրեական գործով Լևոն Ավագյանի նկատմամբ առանց մաքսային հայտարարագիր ներկայացնելու վերոնշյալ ապրանք ներմուծելու արաքի կատարման համար քրեական հետապնդում չի հարուցվել նկատի ունենալով, որ չվճարված հարկի և տուրքի գումարը չի գերազանցել ՀՀ քրեական օրենսգրքի 205-րդ հոդվածով սահմանված նախատեսված նվազագույն աշխատավարձի չորսհազարապատիկը:

Փաստի առթիվ ՀՀ ՊԵԿ իրավաբանական վարչությունում Լևոն Ավագյանի նկատմամբ ՀՀ մաքսային օրենսգրքի 203-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն:

28.12.2019թ. դրությամբ ոչ ԵԱՏՄ անդամ երկրից 11.700 կգ ադամաթուզ ՀՀ ներմուծման դեպքում ոչ սակագնային կարգավորման միջոցներ կիրառման ենթակա լինելու հարցը պարզելու համար հարցում է կատարվել ՊԵԿ մաքսային հսկողության վարչություն և 04.10.2021թ. թիվ Ն/8-6/176958-2021թ. պատասխան գրությամբ հայտնվել է, որ 11700 կգ ադամաթուզի ներմուծման դեպքում ապրանքները ենթակա են սահմանված կարգով հայտարարագրման՝ ներկայացնելով պետական լիազոր մարմնի՝ ՀՀ սննդամթերքի անվտանգության տեսչական մարմնի կողմից տրված թույլատվական համապատասխան փաստաթուղթ:

ԵԱՏՄ մաքսային օրենսգրքի 2-րդ հոդվածի 7-րդ կետի համաձայն՝ հայտարարատուն այն անձն է, որը հայտարարագրում է ապրանքներ կամ որի անունից հայտարարագրվում են ապրանքներ, իսկ 35-րդ կետի համաձայն մաքսային հայտարարագրումը մաքսային մարմնում մաքսային հայտարարագրի միջոցով ապրանքների վերաբերյալ տեղեկությունների, ընտրված մաքսային ընթացակարգի վերաբերյալ և (կամ) ապրանքների բացթողման համար անհրաժեշտ այլ տեղեկությունների հայտագրումն է:

ԵԱՏՄ մաքսային օրենսգրքի 83-րդ հոդվածի 1-ին մասի 1-ին կետի համաձայն՝ որպես մաքսային ընթացակարգերով ձևակերպվող ապրանքների հայտարարատուներ կարող են

հանդես գալ՝ անդամ պետության անձը, որն օտարերկրյա անձի կետ կնքված այն գործարքի կողմերից է, որի հիման վրա ապրանքները տեղափոխվում են Միության մաքսային սահմանով:

ԵԱՏՄ մաքսային օրենսգրքի 84-րդ հոդվածի 2-րդ կետի համաձայն՝ հայտարարատուն պարտավոր է կատարել ապրանքների մաքսային հայտարարագրում, մաքսային մարմին ներկայացնել մաքսային հայտարարագրում հայտագրված տեղեկությունները հաստատող փաստաթղթեր, ներկայացնել հայտարարագրվող ապրանքները և վճարել մաքսային վճարները, իսկ 3-րդ կետի համաձայն հայտարարատուն անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով նախատեսված պարտականությունները չկատարելու համար:

ԵԱՏՄ մաքսային օրենսգրքի 104-րդ հոդվածի 1-ին մասի 1-ին պարբերության համաձայն՝ ապրանքները ենթակա են մաքսային հայտարարագրման դրանք մաքսային ընթացակարգով ձևակերպելու կամ սույն Օրենսգրքին համապատասխան սահմանված այլ դեպքերում: Մաքսային հայտարարագրումն իրականացվում է գրավոր և (կամ) էլեկտրոնային եղանակով:

<<Մաքսային կարգավորման մասին>> օրենքի 157-րդ հոդվածի 2-րդ մասի համաձայն՝ ապրանքների մաքսային հայտարարագրումն իրականացվում է հայտարարատուի կամ նրա լիազորած անձի կամ նրա հանձնարարությամբ և անունից հանդես եկող մաքսային ներկայացուցչի կողմից:

<< մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

<< մաքսային օրենսգրքի 203-րդ հոդվածի 1-ին մասի 3-րդ պարբերության համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը, որն առաջացնում է ոչ սակագնային կարգավորման միջոցների չկիրառում՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ այդ ապրանքների և տրանսպորտային միջոցների մաքսային արժեքի չափով:

Վարչական վարույթի նյութերում առկա ցուցմունքներով և սահմանահատման տվյալներով հաստատվել է, որ 28.12.2021թ. ներմուծված 11700 կգ ադամաթուզը պատկանում է Լևոն Ավագյանին, վերջինս գտնվել է << ՊԵԿ Արևելյան մաքսատուն-վարչության Բազրատաշենի մաքսային կետ-բաժնի տարածքում և պարտավոր էր հայտարարագրել այն:

Լևոն Ավագյանը 2021 թվականի հոկտեմբերի 18-ին հրավիրվել է << ՊԵԿ իրավաբանական վարչություն՝ իր նկատմամբ << մաքսային օրենսգրքի 203-րդ հոդվածի հատկանիշներով սկսված վարչական գործի քննությանը մասնակցելու համար, սակայն վերջինս խնդրել է գործի քննությունը իրականացնել իր բացակայությամբ:

Այսպիսով, նյութերով պարզվել է, որ 2019 թվականի դեկտեմբերի 28-ին << քաղաքացի Լևոն Ավագյանը, առանց հայտարարագրման << է ներմուծել իրեն պատկանող 4768627 << դրամ մաքսային արժեքով ադամաթուզ, որի ներմուծման դեպքում առաջացել են ոչ սակագնային կարգավորման միջոցների չկիրառում, այսինքն՝ Լևոն Ավագյանը թույլ է տվել << մաքսային

օրենսգրքի 203-րդ հոդվածի 1-ին մասի 3-րդ պարբերությամբ նախատեսված մաքսային կանոնների խախտում, ինչը հիմնավորվում է ՀՀ ՀՔԾ 17.09.2021թ.թիվ 18-35կգ-21 գրությամբ, Լևոն Ավագյանի, Ղազարոս Աթոյանի, Վահան Սահակյանի ցուցմունքներով, մաքսային կանոնների խախտման վերաբերյալ կազմված արձանագրությամբ, ՀՀ ՊԵԿ մաքսային հսկողության վարչության գրությամբ և սահմանափակումն տվյալներով:

Վերոգրյալի հիման վրա և ղեկավարվելով ՀՀ մաքսային օրենսգրքի 203-րդ հոդվածով, 206-րդ և 221-րդ հոդվածներով,

Ո Ր Ո Շ Ե Ց Ի՝

1. Լևոն Ավագյանին (անձնագիր AT0383179) ճանաչել զանցառու ՀՀ մաքսային օրենսգրքի 203-րդ հոդվածի 1-ին մասի 3-րդ պարբերությամբ և նրան տուգանել 4768627 ՀՀ դրամի չափով /վճարումը 900005024055 հաշվեհամարին կող 19/:

2. ՀՀ մաքսային օրենսգրքի 221-րդ հոդվածի համաձայն՝ որոշումն ուժի մեջ է մտնում կայացման պահից և Վարչարարության հիմունքների և վարչական վարույթի մասին ՀՀ օրենքի 71 հոդվածի համաձայն՝ 2 ամսվա ընթացքում կարող է բողոքարկվել վերադաս մաքսային մարմին կամ ՀՀ վարչական դատավարության օրենսգրքի 72-րդ հոդվածի 1-ին մասին 1-ին կետի համաձայն՝ 2 ամսվա ընթացքում ՀՀ վարչական դատարան:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



Ա. ՄՆԱՑԱԿԱՆՅԱՆ